

漢書人表考考補附錄（五）
漢書人表考校補

Z

9

叢書集成

初編

主編者



商務印書館發行

編主 

編初成集書叢

漢書人表及考其他一
種
冊 五

中華民國二十六年六月初版

發行人

 上海河南路
 河南路


印刷所

商務印書館
上海河南路

發行所

商務印書館
上海及各埠

漢書人表考

補考附錄

(五)

梁玉繩撰

漢書人表考卷九

下下愚人

蚩尤。蚩尤始見書呂刑、逸周書嘗麥。尤又作蚘。周禮肆師注集韻又作郵。路史後紀八姜姓炎帝之裔。逐帝榆罔而自

立。號炎帝。路史後紀四亦曰阪泉氏。逸書史記解兄弟八十一人。並獸身人語。銅頭鐵額。食沙石。史五帝紀正義引河圖任昉述異記作七十二人

蚩尤能作雲霧。人身牛蹄。四目六手。鬚如劍戟。頭有角。述異記。又路史引歸藏啓筮云。八肱八趾。黃帝殺之。逸書嘗麥。五帝紀。山海大荒北經。身體

異處。冢在東郡壽張縣闕鄉城中。又有肩髀冢在山陽鉅野縣。五帝紀集解。郡國志注。水經濟水注並引皇覽。血化為鹵。今解池是也。

路史注。案高帝紀注應劭曰。蚩尤古天子。臣瓚引大戴禮用兵篇曰。庶人之貪者。肆師疏貪作強。考五帝紀云。神農

氏衰。諸侯相侵伐。蚩尤最為暴。逸書嘗麥云。赤帝命蚩尤。字少昊。越絕計倪內經云。黃帝使少昊治西方。

蚩尤佐之。主金。管子五行云。蚩尤明于天道。黃帝使為當時。又地數篇言蚩尤受金制兵。則非庶人甚明。

呂刑疏引鄭云。蚩尤霸天下。莊子盜跖釋文云。神農時諸侯始造兵。是已。而以其僭號炎帝。遂謂之天子。

呂刑孔注及釋文稱馬融以為少昊末九黎君號。殊妄。呂氏春秋蕩兵注同。蓋蚩尤帝胃之有才者。故任之以事。其後

倡亂則殺之。周禮賈疏所謂蚩尤與黃帝戰，亦是造兵之首也。經史問答疑有兩蚩尤，恐未必然。

九黎。九黎始見楚語下。黎氏九人。章注。少昊時諸侯，是爲玄都氏。路史後紀八，國名紀六，玄都見逸書。史記解竹書舜四十二年。

共工。共工始見虞書。共工官稱。孔傳。其人名氏未聞。孔疏而路史發揮補天說以爲是名也。

謹兒。謹兒始見莊子在宥。本作驩兒。虞書。古文尙書作鵬。困學紀聞十八，東方朔神異經引書作鵬兒。又作鵬兒。廣韻。又作驩頭。山海

南經。又作謹頭。海外南經。或曰謹朱爲人鳥喙有翼，杖翼而行。海外南經。大荒南經。冢在澧之慈利縣。路史後紀六，國名紀二。案大

荒南經云：繇妻士敬子曰炎融，生驩頭。北經云：顓頊生驩頭。路史謂黃帝子帝鴻之後有緡雲氏，妻士敬氏曰炎融，生驩頭。釐姓，以左文十八注緡雲黃帝官名。史五帝紀集解緡雲炎帝裔姜姓爲非，俱不可信。

三苗。三苗始見虞夏書。其國以三苗爲名，非三國也。孔疏。亦曰有苗。大禹謨。亦曰苗民。大禹謨。呂刑。孔疏云：以其頑愚號之爲民。亦

單稱苗。益稷。一曰三毛國。海外南經。其人長齒，上下相冒。路史後紀六。有翼不能飛。大荒北經。案呂刑疏、禮緡衣疏引

鄭注：楚語下韋注並以三苗爲九黎之後。范史西羌傳言三苗，姜姓之別，爲炎帝後。山海經云：釐姓。路史據之以爲黃帝後。三說未知孰是。至山海經謂驩頭生苗民，旣妄誕難信。高誘注淮南原道脩務以三苗乃渾敦窮奇饕餮三族之苗裔，尤臆解可笑。

鮓。鮓始見吳語。本作鮓。虞書。又作鮓。禮祭法釋文。廣韻。又作鮓。列子楊朱張注。又作鮓。廣韻。又作鮓。說文通雅。鮓項之後。越春秋無余外傳。

鮓名。書孔傳。史五帝紀。集解引馬融。字熙。夏紀索隱。封于崇。伯爵。索隱。周語下注。故曰伯鮓。墨子尚書中。竹書。亦曰有密伯鮓。周語。亦曰崇伯。竹書。亦曰

崇鮓。水經濟水注一。亦曰夏鮓。淮南原道。亦曰白馬。山海海內經。廼之羽山。虞書。死三歲不腐。副之以吳刀。海內經注引開籠。呂覽行論。其神

化為黃熊。左昭七。熊字釋文亦作能。與晉語八同。楚辭天問黃熊注。一作能。海內經注。水經淮水注作黃能。拾遺記又云。化為玄魚。夏紀正義謂熊乃來反。下三點為三足。鼈三足曰熊。然字書無此字。墓在臨沂縣東南百

里。寰宇記廿三路。史後紀十三注。案。墨子云。伯鮓。帝之元子。故海內經注。史索隱引世本及帝繫並言顓頊生鮓。海內經

言黃帝子駱明生鮓。路史言高陽子駱明生鮓。所說俱難信。本書律厯志謂顓頊五世生鮓。似近真。然不如吳越春秋之為得矣。學林三論鮓不應列九等。亦非。彼徒見禹脩鮓之功。實為夏郊。而堯放四罪。斷無枉理。疑鮓在堯時。不僅因治水被殛。觀呂覽稱其作亂為患可見。至先儒以左傳四凶當四罪。則誤也。

有扈氏。師古曰。即與啓戰于甘者也。有扈氏始見書甘誓。扈又作鄩。本書地理志。又作戶。史夏紀正義。路史後紀十四國名紀三。與夏同姓。書釋文。孔疏。呂氏春秋先

已注。而路史謂已姓高陽之後。啓之庶兄。淮南齊俗注。伐滅之。夏紀。而楚辭天問謂扈本牧豎得為諸侯。啓擊殺之于牀。誕不可信。

羿師古曰有窮君也

羿始見左襄四、論語、即有窮后羿。書五子之歌、襄四

本作羿。說文、五經文字又作彗。說文又作研。郭忠恕汗簡集韻有窮國

名。孔傳、杜注羿有窮君之號。杜注未聞其姓何先。史夏紀正義引世紀、而路史後紀十四云偃姓先祖世為射官。帝嚳賜彤弓素矢。封之于鉏。

歷虞、夏。書左疏引賈逵、史正義引世紀、故說文云、羿、帝嚳射官、淮南本經云、堯使羿誅鑿齒、射十日、嚳賜弓矢、見山海海內經、射殺鑿齒、見海外南經、大荒南經、射日事亦見楚辭天問、孔疏及海外東經郭注、引歸藏鄭母經故嚳時有羿。

堯時亦有羿。則羿是善射之號。非人名字。不知羿名為何。孔疏、而海內經注言后羿慕羿射、故號此名、路史後紀九注言羿古諸侯、非后羿先祖、通志三王紀言羿必太康時人、以

射得名、堯、嚳時亦有善射之人、世譌以為羿、其說各異蓋其字從羽從升。升即拱字。拱羽為羿。是指其人而制字也。通志羿右臂長。善射。御覽三百

六十九引淮南、史正義引世紀自鉏遷窮石。因代夏政。襄四亦曰窮后。水經巨洋水注亦曰窮羿。路史九注亦曰夷羿。襄四、天問、呂覽亦曰夷昕。呂順

民注、疑字譌亦曰羿帝。御覽八十亦曰帝羿。世紀、皆本左氏亦曰羿氏。本書揚雄傳亦曰羿子。後書文苑趙壹傳、而注以為堯時之羿代夏八年。路史十四

通志或云二年、而廣引明集破邪逢蒙殺而烹之。孟子、襄四、又淮南汜論云、羿死為宗布、當是古之羿、非夏羿也、吳仁傑刊誤補遺謂孟氏書逢蒙殺羿、是堯時羿、殊妄

韓浞。師古曰、羿之相也、浞音士角反韓浞始見襄四。韓與寒通、水經巨洋水注亦作韓浞寒是國名。孔疏、猗姓、路史後紀十四、而國名浞、伯明氏之讒子

弟也。伯明后寒棄之。羿收以爲相。取其國家。襄四滅夏后相。左哀元襲有窮之號。杜注夏紀正義引世紀在位四十三年。路史而通

志作三十二年。或云十年。路史注或云四十。或云三十。或云二年。廣弘明集年紀云。浞篡十二年。爲夏遺臣伯靡所滅。襄四竹書

稟。師古曰音五到反。楚辭所謂澆者也。稟始見論語。卽澆。左襄四哀元又作敖。說文種字注寒浞因羿室生澆。處于過。襄四故曰過澆。左傳及注

多力。能陸地行舟。夏紀正義引世紀少康殺之。襄四天問竹書案澆稟傲三字古多通借。故論語稟盪舟。天問注引作澆。

左傳生澆及豷。說文引作敖。卽傲字虞書丹朱傲。釋文云。又作稟。說文作書。政作稟也。困學紀聞二疑盪舟。

者卽是丹朱。吳氏刊誤補遺謂堯時別有一稟。與丹朱爲兩人。非羿之子澆。皆詭錯不合。

辛。乙子是爲紂紂始見易繫下。辛。帝乙子。始見史殷紀。是爲紂。始見世表。又作受。商周書受紂音相亂。書西伯戡黎傳長

巨姦美。荀子非相垂腴尺餘。論衡語增材力過人。手格猛獸。殷紀倒曳九牛。殷紀正義引世紀索鐵伸鉤。撫梁易柱。論衡自謂天王。賈誼

新書大。亦曰殷辛。晉語一文選東京賦。抱朴子官理亦曰商辛。逸書克殷亦曰后辛。離騷亦曰帝辛。克殷殷紀世表亦曰王紂。楚辭天問亦曰商王受。書泰

誓、牧誓、亦曰商王紂。逸書亦曰商紂。逸書商亦曰殷王紂。逸書度邑亦曰商王帝辛。周語上亦曰辛紂。鶚冠子亦曰武成。世俘

受辛。竹書亦曰季紂。周紀亦曰受德。克殷呂氏春秋當務亦曰暴辛。亦曰人螭。後書文苑崔琦傳在位五十二年。竹書而通志作三十三以甲子

日兵敗。取天智玉環身。自燔于火而死。武王斬紂頭。縣太白之旗。武成商誓世俘克殷殷周紀離騷言菹醢御覽八十二引尸子言殺于郕宮墨子明鬼言折紂而繫

之赤環。賈誼新書連語言紂鬪死。竹書言禽受于南單之臺。淮南本經言武王殺紂。宣室汜論言拘于宣室。褚生補史龜策傳言紂自殺。宣室身死不葬。頭懸車軫。四馬曳行。其說多不同。案。桀、紂名也。先儒已言之。而

獨斷殘人多壘曰桀。殘義損善曰紂。呂氏春秋功名注。殘義損善曰桀。賊仁多累曰紂。史集解賊人多殺

曰桀。殘義損善曰紂。通典禮六十四遂以桀、紂為諡。皆不足。據書戡黎疏云。殷時未有諡法。後人見其惡

為作惡諡耳。

姐己。紂妃師古曰。姐音丁葛反。姐己始見晉語一。夏芬封昆吾氏子于有蘇。竹書蘇己姓。鄭語姐字。史殷紀外戚世家索隱紂伐有蘇。以

姐己女焉。晉語自縊。縣頭小白之旗。逸書克殷殷周紀有墓在乾州西五里莫谷河西半崖坡內。寰宇記三十一案。克殷云。

二女縊。孔晁謂姐己及嬖妾。周紀云。紂之嬖妾二女皆經自殺。則姐己未定是后妃也。至後書孔融傳謂

武王以姐己賜周公。乃談嘲之語耳。

費中。師古曰。費音扶味反。

費中始見晏子春秋諫上、墨子明鬼亦作費仲。

韓子外儲左喻老。

費姓仲名。

史殷紀正義。

費昌之後。秦紀索隱。武

王禽之。墨子。死牧之野。說苑雜言。

飛廉。飛廉始見孟子及荀子儒效、解蔽、成相。飛又作蜚。

史秦紀趙世家。

又作非。

路史國名紀二以爲是國名。

中衍曾孫戎胥軒生

中湫。中湫生飛廉。別號處父。善走。

秦紀集解正義引世本作仲滑。

戮于海隅。

孟子而秦紀謂天賜石棺死葬霍太山恐非實也。

案墨子耕柱言夏后開

使蜚廉鑄九鼎。是先有一蜚廉矣。

惡來。惡來始見晏子春秋諫上、墨子所染、明鬼、名革。

史秦紀說苑雜言。本書東方朔傳。

飛廉之子有力。

秦紀趙世家。

能手裂兕虎。

子亦曰來革。楚辭惜誓。武王殺之牧野。

史記說苑。

左彊。左彊始見淮南覽冥、史龜策傳。

祿父。紂子。

祿父、紂子始見書洪範傳、逸書作維、史殷、周紀、魯、管蔡、衛世家、卽武庚。

洪範微子之命序逸書克殷史記。

成王命周

公殺之。

微子之命序史記而作維但云王子祿父北奔。

案史通疑古以祿父爲妲己之子。未知何據。祿父雖以畔誅而情有可恕。似

不應與其父紂同置下愚。

管叔鮮。文王子。

管叔始見書金縢、逸書克殷、大匡、作雒、名鮮。文王子始見史管蔡世家。又作關叔。墨子公與孟耕柱。

蔡、霍稱三叔。作雒。

與蔡叔稱二蔡。

晉語四、韋云、管叔初亦爲蔡。

亦稱管蔡。詩常棣序。

經而卒。

作雒而經史諸子俱言周公誅之。

冢在滎陽城內。

水經濟水注一。

蔡叔度。文王子。依繹史本各本脫度字。

蔡叔始見書康誥序、逸書作雒、名度。文王子始見管蔡世家。侯爵。杜世族譜。以罪放而卒。

書蔡仲之命孔傳。

昭王瑕。康王子。

昭王始見逸書祭公解、左僖四、周語上、齊語、名瑕。康王子始見史周紀、世表。亦曰昭后。楚辭

天。在位十九年。

竹書而外紀通志作五十一年。至所引皇甫謐謂在位二年。年三十五則妄也。穆王卽位春秋已五十。父年乃三十五耶。

征荊。扞于漢中。

呂氏春秋音初而周紀言卒于江上水經沔水注言溺于沔小異。

房后。師古曰昭王后也。

房后惟見周語上、舜封堯子朱爲房侯。

廣韻注、路史後紀、十一國名紀四。

昭王娶于房。曰房后。丹朱馮身以

儀之。周語。

案昭雖南遊不返。無大失德。何至與幽厲並居第九。房后亦不應與褒姒同等。又竹書成王三

十三年命世子釗如房逆女房伯祈歸于宗周是康昭兩世娶房也

宋煬公愍公弟

宋煬公湑公弟始見史世表宋世家名熙被弑世家而家語本姓煬作襄誤

齊胡公哀公弟

齊胡公始見楚語下哀公弟始見齊世家名靜徙都薄姑同上章注靜作靖為君年久詩齊風譜疏哀公同

母弟獻公襲攻之世家其黨騶馬繻以入于貝水楚語葬臨淄水經穀水注

魯魏公幽公弟

魯魏公幽公弟始見世表魯世家又作微公本書律厯志史集解索隱引世本左文十六疏引世家釋文引世本作微公恐譌名潰世家竹書律厯志

又作苒律厯志

又作弗世家索隱引世本又作弗甚世表索隱引世本一本作弗其又作費釋文引世家諸名似當以費為定費立五十年世家律厯志

楚熊摯渠子

楚熊摯始見左僖廿六又作鷖世表有疾自竄于夔左傳案杜注熊摯楚嫡子疏言摯不知是

何君之嫡而所引孔晁鄭語注章注同及世家正義引宋均樂緯注並謂熊摯是熊繹玄孫熊渠嫡嗣有惡

疾廢居于夔為楚附庸其子孫有功王命曰夔子與此言渠子合必別有所據摯為夔祖其疾惡非其人惡也何以置末等冉伯牛為厲韓亡忌不才豈遂因是貶賢乎

宋厲公愍公子

宋厲公始見左昭七。湣公子始見宋世家。名鮒同。又作魴集解索隱家語本姓作方祀非。

齊獻公胡公弟

獻公、胡公弟始見世表。齊世家名山。徙都臨菑。立九年。世家

厲王胡夷王子

厲王始見大雅民勞諸序。左文二。周語上。名胡。夷王子始見周紀。世表亦單稱厲。魯語上。以戾

虐流彘死左昭廿六周語紀表

亦曰汾王。詩韓奕。亦曰周厲。呂氏春秋開春。葬晉州霍邑縣東廿九里。寰宇記四十三

案厲王之年據本

紀是三十七年奔彘。五十一年崩。外紀通志謂在位四十年。通共和五十四年。竹書作十二年奔彘。二十六年陟。未定孰是。

衛巫衛巫始見周語上

楚熊嚴熊嚴始見鄭語是為荊子熊嚴

上同。亦曰楚子嚴。竹書立十年史十二侯表楚世家

案世家云熊勇以弟熊

嚴為後。此云勇子異。嚴不應居九等。

伯御魯懿公兄子

伯御始見周語上。本書律厯志伯作柏。懿公兄括之子始見魯世家。韋注以伯御即括恐非

為君十一年。周宣王殺

之。十二侯表世家

衛共伯釐公子

共伯始見詩柏舟序釐侯太子始見衛世家名餘同蚤死詩序而世家謂其弟武公攻之自殺

案經史一云蚤

死一云自殺固已異矣而武公睿聖何以有殺兄奪國之事余有辨見史記志疑二十即如所說亦不應

置共伯九等

晉殤公繆侯弟依繹史本各本譌繆公

晉殤叔繆侯弟始見史侯表晉世家立四年見殺同

案史稱殤叔竹書且晉侯爵

皆不應稱公

幽王宮涅宣王子

幽王始見大小雅諸序左昭廿六周語上晉語一鄭語宣王子始見周紀亦曰周幽楚辭天問

亦單稱幽魯語上

亦與厲王稱幽厲禮運孟子

在位十一年申繒犬戎攻王驪山下滅于戲

周晉魯鄭語周紀侯表鄭世家竹書

案字

書無涅字而幽王之名竹書單作涅皇王大紀單作涅此表及杜世族譜周晉語注作宮涅周紀作宮涅

詩王風譜疏引紀作宮皇呂氏春秋當染注作官皇疑當依外紀古史通志作宮涅為是

國語補音謂宜從涅亦非

集解

徐廣曰一作生惟名涅故又作生說文腥鯉並作胜鯉知古字凡從星者恆為生也

褒姒褒姒始見詩正月車輦白華序晉語一鄭語褒國姒姓

正月毛傳

以龍齡之妖所生褒人養而獻之詩十月之

交疏事詳鄭語幽王黜申后而使為后。是為幽后。白華序正詩瞻卬所謂哲婦傾城長舌厲階也不好笑。周記亦曰豔

妻。十月之交亦曰褒豔。後書左犬戎攻殺幽王。虜褒姒而去。周紀案豔亦作剡。詩疏引中候云。剡者配姬以放賢。

又師古引魯詩作閼。本書谷永傳閼妻驕扇。外戚班婕妤傳褒閼為郵。蓋古今字異耳。毛以豔妻為褒姒。而鄭以為厲王后。謂后姓豔。谷永對策褒姒與閼妻並舉。左雄上疏。幽厲與褒豔對稱。鄭仍此解。當是三家之說。師古于五行志下注從毛。于永傳注從鄭。李賢于文苑崔琦傳注從毛。左雄傳雖從毛。傳訓褒姒。美色。後又言厲王用妻黨。不免歧見。然以韓奕常武之蹶父。皇父例觀。鄭義似有未合。故孔仲達不敢強為予奪。

號石父。號石父始見晉語一。晉語父鄭語作甫即號公鼓。呂氏春秋當染亦曰號公。鄭語案厲王時有號公長父。諡厲

公。墨子所染。呂當染。竹書。而荀子成宣王時有號文公。周語上當是石父祖若父。西號在畿內。世為王朝卿士。疑

皆西號之君。但未知去始封之號叔幾世。杜世族譜謂而竹書其時有號公翰。又未知與石甫何屬。或謂翰

其子也。每代賢否相閒。亦奇。

皇父卿士。皇父以下七人並始見詩十月之交。左雄鄭玄所謂嬖寵方熾。七子黨進者也。皇父為六人

端首兼擅羣職故但目以卿士鄭箋宣王太師皇父之後困學紀聞三太師皇父見詩常武竹書幽王后之親黨也後書文苑傳崔琦外戚箴注皇

氏父字傳世稱之常武疏鄭以爲皆其字作都于向十月之交姜姓左隱二疏引世本

司徒皮師古曰卽十月之交詩所謂蕃維司徒是也皮本作番番氏鄭箋案本書地理志魯國蕃縣左襄四注作番應劭音皮是

番有皮音故通作皮也錢宮詹考異曰蕃音婆古讀皮如婆

太宰家伯依釋史本各家氏左桓八注詩節南山疏鄭皆以爲字也

膳夫中術師古曰卽所謂中允膳夫也中術本作仲允字也鄭箋

內史掇子師古曰掇音側流反掇本作聚聚氏也鄭箋以子配之孔疏

趣馬蹶師古曰趣音子後反蹶音居衛反蹶氏鄭箋蹶父之後困學紀聞三

師氏萬師古曰萬讀與橋同音九禹反萬本作耦耦氏鄭箋